

WANG TUNAI ITU RAJA – CASH IS KING

Chedet.cc

2 October 2017

Tun Dr Mahathir Mohamad

1. Di antara usaha Najib untuk menentukan kemenangan baginya ialah menyekat dana daripada didapati oleh parti lawan.
2. Orang yang berada dan mungkin menderma kepada parti lawan diugut dan didera dengan mengganggu kehidupan mereka. Institusi yang diguna ialah polis, Jabatan Hasil dalam Negeri dan juga SPRM.
3. Pegawai Jabatan Hasil akan menggeledah premis dan membuat tuntutan bayaran cukai korporat tambahan yang tidak berasas. Jika sasaran enggan membayar mereka akan senarai hitamkan syarikat, merampas buku-buku akaun dan rekod-rekod supaya perniagaan tidak dapat dijalankan.
4. Jika mereka sedang melaksanakan kontrak dengan Kerajaan, atau mereka membuat permohonan untuk kontrak, semuanya akan dibatalkan.
5. Bank-bank diarah supaya tidak memberi pinjaman modal atau apa-apa pinjaman kepada syarikat atau individu yang menyokong parti-parti lawan.
6. Cukai tambahan yang dikenakan boleh meningkat sehingga puluhan, bahkan ratusan juta.
7. Segala urusan perniagaan diganggu, kebenaran ditangguh berbulan bahkan bertahun.
8. Peniaga kecil juga diugut sehingga mereka terpaksa tutup perniagaan.
9. Sekarang ini tuduhan dibuat kononnya peniaga terlibat dengan pembersihan wang (money laundering) yang didapati secara salah, seperti dicuri atau dari perniagaan dadah. Bukti, kesalahan ini tidak ditunjuk. Hanya dengan membuat tuduhan maka akaun wang dalam bank pihak yang dituduh boleh dibekukan. Ini menghentikan perniagaan yang dituduh. Jika bangunan sedang didirikan, kerja terpaksa dihentikan. Peniaga mungkin kehilangan punca pendapatan sama sekali.
10. Pejabat boleh digeledah dan buku-buku dirampas. Mangsa tidak berani bantah atau bersuara kerana tindakan yang lebih keras akan dikenakan. Jika mangsa membuat pengaduan di mahkamah, perbicaraan akan mengambil masa yang panjang. Mangsa akan menderita bertahun-tahun.
11. Pegawai-pegawai Kerajaan yang bersara tidak berani menyertai parti lawan kerana ugutan dan tekanan yang akan dikenakan kepada mereka.
12. Parti lawan sekarang tidak dapat mengumpul dana untuk urusan parti. Walaupun ahli dan pemimpin sanggup berkorban untuk membiayai aktiviti mereka, tetapi untuk pilihan raya wang yang banyak diperlukan.
13. Poster, sepanduk, rapat umum, perjalanan, kempen, bendera dan bermacam lagi alatan perlu disediakan. Jika kempen yang kerap yang disertai dengan poster-poster yang menarik tidak diadakan maka pengundi tidak akan dapat penerangan perjuangan parti lawan serta menafi dan menolak secara berkesan dakwaan Parti Kerajaan.

14. Kata Najib "Cash is King", "Wang tunai itu Raja" . Dengan duit yang banyak yang ada padanya dan penyalahgunaan wang Kerajaan, rakyat mudah tertipu.

15. Maka benarlah slogan Najib "Cash is King". Baginya wang akan menentukan kemenangan baginya.

16. Pakatan Harapan dan parti-parti dalam gabungan pembangkang mungkin tidak ada dana yang cukup. Tetapi dana yang kurang ini diganti dengan semangat yang kental dan kesanggupan untuk berkorban apa sahaja demi bangsa, agama dan tanahair. Juga balasan diakhirat kerana berpegang teguh kepada kebenaran dan menolak kemungkaran.

17. Cash mungkin dianggap sebagai King oleh Najib. Tetapi rasuah tetap rasuah. Memenangi PRU dengan rasuah masih merupakan rasuah dan jenayah dalam masyarakat Malaysia. Ia masih juga berdosa disisi agama Islam.

4 thoughts on "WANG TUNAI ITU RAJA – CASH IS KING"

1.



2. [Log in to Reply rimba.emas](#) Oct 2, 2017 11:58 PM

Salam Tun.

1. Rakyat Malaysia tentu tahu bahawa kita merdeka melalui rundingan dengan penjajah. Bernasib baik kita kerana tidak seperti negara-negara lain yang terpaksa melalui peperangan.

2. Kita umat Islam sendiri tahu perjuangan Rasullullah s. a. w juga berjuang melalui peperangan.

3. Sebabnya kerana penentangan musuh yang ramai melalui kekejaman atau tindasan tanpa perikemanusiaan.

4. Perjuangan cara ini bukannya mudah kerana perlukan pengorbanan sehingga berlakunya pengorbanan harta dan nyawa.

5. Cara Rasullullah s. a. w. ini tidak sia-sia kerana telah di berinya Allah s. w. t kelebihan kepada yang terkorban iaitu jihat ke syurga.

6. Sedangkan kita sekarang dapat tahu bahawa Ketua Kerajaan telah menyalah guna kuasa dengan memiliki semua jentera kerajaan dalam mempertahankan dirinya.

7. Dalam keadaan sekarang kalau rakyat berjuang dengan cara peperangan pastilah akan berlaku korban harta dan nyawa.

8. Malah rakyat bukan pula mendapat jaminan jihat ke syurga. Jadi perjuangan ini akan berlaku tumpah darah dan membahayakan golongan tua yang lemah , kanak-kanak dan wanita.

9. Jadi bila di beri peluang melalui cara mengundi maka rakyat patut ambil pendekatan ini dengan bersungguh-sungguh.

10. Sekurang-kurangnya dapat mengelak dari melalui peperangan yang pasti memihak pada jentera kerajaan .
11. Cara menggundi ini adalah satu pilihan yang terbaik untuk mengelak kemusnahan hartabenda dan nyawa.
12. Memenangi Pilihanraya 14 inilah memberi peluang untuk mengubah atau mendakwa jentera kerajaan yang ada sekarang.
13. Rakyat kena bantu sesama sendiri dengan cuba memulihkan kembali rakyat yang bekerja dalam kerajaan bahawa mereka adalah milik rakyat dan hanya pekerja sementara dalam kerajaan.
14. Undi lebih kurang sama dengan cara perundingan iaitu kurangnya resiko kemusnahan.
15. Wahai rakyat inilah cara yang terbaik atau jalan penyelesaian iaitu melalui peti undi.
16. Untuk pulihkan keadaan merosot MALAYSIA bukannya pilih kerajaan yang telah merosotkan. Tetapi Parti lawan yang akan memulihkan kembali.
17. Pastilah ia Pakatan Harapan. Undi rakyatlah yang akan memulihkan negara kita Malaysia.
18. Tukar barulah boleh pulihkan. Kalau masih yang sama kita tahu ia telah pernah merosakkan.

Wallahua'lam.

3.



4. [Log in to Reply](#) **htmustapha** Oct 2, 2017 11:41 PM

yang p dok angkat dia dulu sapa suruh? umog dah macam ni nk lawan org muda boleh ka? i can go on and on non but i think this is fighting a loosing coz the guy not only has king cash but king power as well...u let us down but u r our only hope...harap² ladi la kot kali ni...no?

5.



6. [Log in to Reply](#) **Sakthivel Thangavelu** Oct 2, 2017 10:01 PM

Good one, Tun.

7.



8. [Log in to Reply](#) **Rakyat 1 Malaysia** Oct 2, 2017 4:08 PM

Salam pembaca, rakyat bukan bodoh untuk membabi buta memilih UMNO BN ini. Mohd. Taip berkata UMNO lah angsa yg bertelurkan emas untuk orang melayu. Dia kata lagi UMNO lah yang boleh menjaga nak hak orang melayu di kawasan luar bandar. Nampak Sangat kebodohan beliau ini.

Mungkin UMNO dulu menjaga hak hak orang melayu di kawasan luar bandar tapi skrg tidak. UMNO Sudah diselewengkan oleh Najib .

Bukan kah semasa Felda disenaraikan di bursa Macam Macam fitnah ditaburkan ke atas MP rafizi . Pada Hal apa dikatakan oleh rafizi itu berlaku pada felda. Saham felda jatuh Dari rm4 ke satu ringgit lebih dan akhirnya terkeluar Dari bursa saham .

Kerajaan di bawah Najib ini dah teruk pengurusannya sehingga Pegawai , setiausaha MP , polis Macam di Melaka semua nya sapu duit gila gila . Sehingga kini 33 billion dirampas oleh SPRM. (30 billion itu 30000 juta) .

Balik pada Mohd Taip ini katanya nak menjaga orang melayu kampung. Bukankah dia bawa berpuluh ribu duit kita ke Australia . Kenapa dia tak labur duit itu kat Malaysia . Cakap konon konon nak jaga hak orang melayu di kampung. Untuk pengetahuan semua Kerajaan negeri SELANGOR buat Macam Macam peduli rakyat . Kenapa masa pemerintahan mohd taip ini tak buat .

Soalan Utama yang patut di jawab oleh semua Pemimpin UMNO skrg ialah

- 1 . Bolehkah seorang pemimpin berbohong pada rakyat ?
2. Pada mula nya PM kata tak Ada duit dalam Akaun lepas dah kanto kata Ada 2.6 billion , katanya tok Arab Bagi , bukankah ini satu kesalahan
3. Kata nak sama WSJ tapi tak saman hingga Sekarang , bukankah PM tipu rakyat?
4. Dalam pilihan raya lepas rakyat Malaysia keturunan cina majoriti nya menolak MCA dan BN. Tetapi masih berkawan dengan cina juga iaitu Jhow Low. Undi nak orang melayu tapi nak buat tipu muslihat dan bisnes nak orang cina. Bukan bodoh orang melayu Sekarang . Orang melayu Sekarang lebih pandai Daripada PM.
5. Sekali lagi saya nak Bagi tahu PAS ini bagus sekali dalam Hal Hal agama Islam Sahaja . Saya minta rakyat terutamanya orang melayu kampung untuk tolak PAS sebagai parti sebiliknya terima PAS sebagai badan Utama untuk menjaga Hal Hal Islam Sahaja. Saya juga mencadangkan kepada PAKATAN Harapan Supaya Bagi PAS untuk menjaga Hal ehwal Islam .
6. Dalam pilihan raya UMUM ke 14 Nanti , rakyat Sudah bersedia untuk menukar Kerajaan.

© 2017 Chedet – All Rights Reserved.

Source: <http://chedet.cc/?p=2625>